

Na osnovu članova 72., 73. i 74. Zakona o srednjem obrazovanju ("Službene novine Kantona Sarajevo", br: 23/17 i 30/19) Ministarstvo za odgoj i obrazovanje Kantona Sarajevo objavljuje

K O N K U R S

za upis učenika u prvi razred srednjih škola sa područja Kantona Sarajevo u školskoj 2021./2022. godini.

Konkurs za upis u PRVI razred srednjih škola u školskoj 2021./2022. godini traje od 11. juna do 18. juna 2021. godine do 16.00 sati. Kandidati koji konkurišu u umjetničke škole, odnosno u gimnaziju – sportsko izbornu područje, polažu prijemni ispit, odnosno test fizičke sposobnosti, koji su dužni okončati najkasnije dva dana prije završetka on-line upisa.

Kandidati koji konkurišu u ostale srednje škole, javne ustanove, **ne polažu** prijemni ispit.

Mjesto i satnica polaganja prijemnog ispita za kandidate koji konkurišu u umjetničke škole, kao i mjesto i satnica polaganja testa fizičke sposobnosti za kandidate koji konkurišu u gimnaziju-sportsko izbornu područje, objavljuju se na oglasnoj tabli i WEB-stranici tih škola.

Izbor kandidata vršit će se na osnovu Odluke sa kriterijima za prijem učenika u prvi razred srednjih škola Kantona Sarajevo, koji je sastavni dio ovog konkursa.

ODLUKU

O KRITERIJIMA ZA PRIJEM UČENIKA U PRVI RAZRED SREDNJIH ŠKOLA KANTONA SARAJEVO

I OPĆE ODREDBE

Član 1.

(Pravo upisa u prvi razred srednjih škola)

- (1) Pravo upisa u prvi razred srednje škole u statusu redovnog učenika imaju učenici sa završenom osnovnom školom, koji nisu stariji od 18 godina, odnosno koji do kraja tekuće godine ne navršavaju 18 godina života.
- (2) Pravo upisa u prvi razred srednje škole za učenike s teškoćama u razvoju imaju kandidati koji pored ostalih uslova, ispunjavaju uslov da do kraja tekuće godine ne navršavaju 22. godine života.

Član 2.

(Upis, prijem i obrada dokumentacije)

- (1) Srednje škole vrše upis učenika u prvi razred u skladu sa Planom upisa učenika u srednje škole Kantona Sarajevo, koji na prijedlog Ministarstva za odgoj i obrazovanje Kantona Sarajevo (u daljem tekstu: Ministarstvo), donosi Vlada Kantona Sarajevo (u daljem tekstu: Vlada).
- (2) Ministarstvo je dužno, prilikom izrade Plana upisa učenika iz stava (1) ovog člana, konsultovati JU „Služba za zapošljavanje Kantona Sarajevo“, te vršiti redovne analize o kretanjima na tržištu rada u saradnji sa Ministarstvom za rad, socijalnu politiku, raseljena lica i izbjeglice Kantona Sarajevo i Ministarstvom privrede Kantona Sarajevo.
- (3) Izmjene i dopune odnosno proširenje Plana upisa iz st. (1) i (2) ovog člana može odobriti samo Vlada, osim za privatne srednje škole čiju odluku donosi osnivač.
- (4) Prijava i upis kandidata u prvi razred srednjih škola provodi se isključivo putem Informacionog sistema EMIS.

- (5) U konkursnom roku kandidat može izabrati najviše tri programa obrazovanja/zanimanja/smjera, u jednoj ili više škola.
- (6) Tokom konkursnog roka kandidatima će biti omogućena najmanje dva perioda za promjenu izbora programa obrazovanja/zanimanja/smjera iz stava (5) ovog člana.
- (7) Rang-lista svih kandidata i učenika primljenih u prvi razred objavljuje se putem Informacionog sistema kao i na oglasnoj tabli i WEB-stranici srednje škole.

Član 3.
(Uslovi za upis)

Upis učenika u prvi razred srednjih škola vrši se pod istim uslovima za sve učenike državljanke Bosne i Hercegovine, povratnike iz inostranstva, kao i za strane državljanke i lica bez državljanstva u skladu sa Zakonom o srednjem obrazovanju („Službene novine Kantona Sarajevo”, br: 23/17 i 30/19).

Član 4.
(Konkurs)

- (1) Izbor kandidata za upis u srednju školu vrši se na osnovu ove odluke, koja je sastavni dio Konkursa za upis učenika u prvi razred srednjih škola i obavezno reguliše žalbeni postupak.
- (2) Konkurs iz st. (1) i (4) ovog člana raspisuje Ministarstvo.
- (3) Prvi konkurs za upis učenika u prvi razred srednjih škola u Kantonu Sarajevo javno se objavljuje na zvaničnoj web stranici Ministarstva, najkasnije dva mjeseca prije početka naredne školske godine i otvoren je najmanje sedam radnih dana.
- (4) Ministarstvo raspisuje drugi konkurs za škole koje ne popune planirana mjesta u prvom konkursnom roku, u skladu sa Planom upisa iz člana 2. ove odluke, najkasnije 15 dana prije početka školske godine i otvoren je najmanje tri radna dana.

Član 5.
(Dodatni uslovi za upis u umjetničku školu/gimnaziju – sportsko izbornu područje)

- (1) Kandidati koji konkurišu u umjetničke škole, odnosno u gimnaziju – sportsko izbornu područje, polažu prijemni ispit, odnosno test fizičke sposobnosti, koji su dužni okončati najkasnije dva dana prije završetka on-line upisa.
- (2) Prijemni ispit odnosno test fizičke sposobnosti neće biti uzet u obzir prilikom upisa u školu, ako učenik nije ostvario minimum bodova tokom prethodnog školovanja potrebnih za upis u umjetničku školu/gimnaziju, u skladu sa članom 14. st. (5) i (8) ove odluke.
- (3) Mjesto i satnica polaganja prijemnog ispita za kandidate koji konkurišu u umjetničke škole, kao i mjesto i satnica polaganja testa fizičke sposobnosti za kandidate koji konkurišu u gimnaziju-sportsko izbornu područje, objavljuju se na oglasnoj tabli i WEB-stranici tih škola.
- (4) Program za polaganje prijemnog ispita u srednjoj umjetničkoj školi i srednjoj muzičkoj školi se odvija u skladu sa nastavnim planom i programom.
- (5) Rezultate prijemnog ispita, odnosno testa fizičke sposobnosti unose srednje škole u kojima se polažu ispiti putem Informacionog sistema EMIS.
- (6) Svaki učenik, iz stava (1) ovog člana, koji izvrši prijavu putem Informacionog sistema EMIS, polaže prijemni ispit.
- (7) Prijemni ispit iz stava (1) ovog člana je eliminatoran.
- (8) U slučaju da kandidat bude ocijenjen sa negativnom ocjenom iz bilo kojeg dijela prijemnog ispita odnosno dijela testa fizičkih sposobnosti, nije položio prijemni ispit.
- (9) Program polaganja prijemnog ispita u umjetničkoj školi, test fizičke sposobnosti za kandidate koji konkurišu u gimnaziju-sportsko izbornu područje, način ocjenjivanja u smislu

eliminatorsnosti i kriterije vrednovanja rezultata, utvrđuje nastavničko vijeće škole i isti dostavlja Ministarstvu najkasnije sedam dana prije testiranja.

- (10) Program i kriteriji za polaganje prijemnog ispita odnosno testa fizičkih sposobnosti će biti objavljeni na oglasnoj tabli, internet stranici škole i internet stranici Ministarstva.
- (11) Prijemni ispit odnosno test fizičkih sposobnosti se polaže pred stručnom komisijom koju imenuje nastavničko vijeće škole za sve vrste zanimanja pojedinačno.
- (12) Minimalni sadržaji polaganja prijemnog ispita za Srednju školu primijenjenih umjetnosti su:
 - a) crtanje,
 - b) slikanje,
 - c) modelovanje.
- (13) Minimalni sadržaji polaganja prijemnog ispita za Srednju muzičku školu su:
 - a) muzičar solista – praktična provjera temeljnog predmeta struke, Solfeggia i Muzičke teorije. Na prijemnom ispitu moguće je ostvariti maksimalno 50 bodova, a minimalno 13 bodova.
 - b) muzičar općeg smjera – provjera temeljnog predmeta struke “solfeggia”: muzički ritam, memorija, sluh, muzička teorija. Na prijemnom ispitu moguće je ostvariti maksimalno 40 bodova, a minimalno 10 bodova.
 - c) baletni odsjek – praktična provjera osnovnih baletnih tehnika. Na prijemnom ispitu moguće je ostvariti maksimalno 40 bodova, a minimalno 10 bodova.

Dodatni uslovi su adekvatna ljekarska uvjerenja za upisne programe solo pjevanja (otorinolaringolog) i baleta (ortoped).

- (14) Minimalni sadržaji testa fizičkih sposobnosti u gimnaziju-sportsko izbornu područje su:
 - a) skok udalj,
 - b) sklek,
 - c) košarka,
 - d) odbojka,
 - e) gimnastika i
 - f) plivanje (sportska dvorana i bazen).

Član 6.

(Dodatni uslovi za upis u privatne škole-gimnazije)

- (1) Kandidati koji konkurišu u gimnaziju polažu prijemni ispit, koji su dužni okončati najkasnije dva dana prije završetka on-line upisa.
- (2) Prijemni ispit neće biti uzet u obzir prilikom upisa u školu, ako učenik nije ostvario minimum bodova tokom prethodnog školovanja potrebnih za upis u gimnaziju skladu sa članom 14. stav (7) ove odluke.
- (3) Mjesto i satnica polaganja prijemnog ispita za kandidate koji konkurišu u privatne škole objavljuju se na oglasnoj tabli i WEB-stranici tih škola.
- (4) Rezultate prijemnog ispita unose srednje škole u kojima se polažu ispiti putem Informacionog sistema EMIS i to najkasnije dva dana prije završetka on-line upisa.
- (5) Prijemni ispit iz stava (1) ovog člana je eliminatoran za učenike koji nemaju minimalan broj od 78 bodova potreban za upis u privatne škole-gimnazije u skladu sa članom 14. stav (7) ove odluke.
- (6) U slučaju da kandidat bude ocijenjen sa negativnom ocjenom iz bilo kojeg dijela prijemnog ispita nije položio prijemni ispit.

- (7) Program polaganja prijemnog ispita, način ocjenjivanja i kriterij vrednovanja rezultata utvrđuje nastavničko vijeće i isti dostavlja Ministarstvu najkasnije sedam dana prije testiranja.
- (8) Program i kriteriji za polaganje prijemnog ispita će biti objavljeni na oglasnoj tabli, internet stranici škole i internet stranici Ministarstva.
- (9) Prijemni ispit se polaže pred stručnom komisijom koju imenuje nastavničko vijeće škole.

Član 7.

(Sadržaj prijave za upis)

- (1) Za prijavu za upis u prvi razred srednje škole kandidat je dužan prema rasporedu kojeg donosi škola, u prostorijama škole predati sljedeća dokumenta, najkasnije četiri dana od dana objavljivanja rezultata on line upisa:
 - a) prijavu za upis,
 - b) izvod iz matične knjige rođenih – ovjerena kopija,
 - c) svjedodžbu o završenoj osnovnoj školi – originalna dokumenta,
 - d) uvjerenje o uspjehu učenika u VI, VII i VIII razredu osnovne škole – originalna dokumenta,
 - e) uvjerenje o rezultatima postignutim na eksternoj maturi – originalna dokumenta,
 - f) druga dokumenta relevantna za utvrđivanje broja bodova po kriterijima iz čl. 11., 12. i 13. ove odluke.
- (2) Prijava za upis se printa iz sistema EMIS po okončanju on line upisa na osnovu konačne rang liste i dokaz je da je kandidat ostvario pravo upisa u određenu školu.

II KRITERIJI

Član 8.

(Kriteriji za upis)

Upis učenika u srednje škole vrši se na osnovu sljedećih kriterija:

- a) općeg uspjeha kandidata postignutog u VI, VII, VIII i IX razredu osnovne škole,
- b) uspjeha iz predmeta značajnih za odgovarajuću školu, iz člana 9. ove odluke,
- c) rezultata postignutog na ispitima eksterne mature/ekvivalent bodova,
- d) rezultata postignutih na kantonalnim, te takmičenjima na nivou entiteta u Bosni i Hercegovini, države Bosne i Hercegovine, kao i na međunarodnim takmičenjima u posljednje četiri godine školovanja.

Član 9.

(Predmeti posebno značajni za određenu vrstu srednje škole/struku)

Predmeti posebno značajni za određenu vrstu srednje škole/struku utvrđuju se kako slijedi:

VRSTA SREDNJE ŠKOLE/ STRUKA/ZANIMANJE	Predmeti posebno značajni za određenu školu/struku/zanimanje
gimnazija, ekonomska škola trgovačka škola, medresa	Bosanski, hrvatski, srpski jezik i književnost Matematika, prvi strani jezik
medicinska, zubotehnička, veterinarska, prehrambena, poljoprivredna, kozmetičar, frizer,	Bosanski, hrvatski, srpski jezik i književnost, Hemija, Biologija
ugostiteljsko-turistička	Bosanski, hrvatski, srpski jezik i književnost, Geografija, prvi strani jezik

tekstilna, kožarska	Bosanski, hrvatski, srpski jezik i književnost, Likovna kultura, Biologija
škola primijenjenih umjetnosti	Bosanski jezik i književnost, Hrvatski jezik i književnost, Srpski jezik i književnost, Likovna kultura, prvi strani jezik
muzička škola	Bosanski jezik i književnost, Hrvatski jezik i književnost, Srpski jezik i književnost, Muzička kultura, prvi strani jezik
drvena, šumarska	Bosanski jezik i književnost, Hrvatski jezik i književnost, Srpski jezik i književnost, Matematika, Biologija
ostale škole/struke (mašinska, metalska, elektro, građevinska, geodetska, saobraćajna, grafička)	Bosanski jezik i književnost, Hrvatski jezik i književnost, Srpski jezik i književnost, Matematika, Fizika

Član 10.

(Broj bodova po osnovu rezultata tokom školovanja)

Za kandidate koji konkurišu u srednje škole, broj bodova po osnovu rezultata postignutog na ispitima eksterne mature/ekvivalent i uspjeha u osnovnoj školi utvrđuje se na slijedeći način:

- a) opći uspjeh u VI, VII, VIII i IX razredu osnovne škole boduje se sa maksimalno 50 bodova, tako da se zbir prosječnih ocjena svedenih na dvije decimale u VI, VII, VIII i IX razredu osnovne škole pomnoži sa brojem 2,50
- b) uspjeh iz predmeta posebno značajnih za odgovarajuću školu boduje se sa maksimalno 20 bodova, tako da se saberu ocjene dobijene u VIII i IX razredu osnovne škole iz tri predmeta posebno značajna za odgovarajuću vrstu srednje škole - član 9. ove odluke, te se pomnoži sa brojem 0,67
- c) rezultat postignut na ispitima eksterne mature boduje se sa maksimalno 30 bodova/ekvivalent.

Član 11.

(Dodatni bodovi na osnovu završene osnovne muzičke škole).

- (1) Kandidati koji imaju završenu osnovnu muzičku školu boduju se na slijedeći način:
 - a) završena osnovna muzička škola od prvog do šestog razreda sa odličnim uspjehom 5,0 i primjernim vladanjem - 3 boda,
 - b) završena osnovna muzička škola -1 bod.
- (2) Bodovanje se vrši po jednom od dva kriterija iz stava (1) tačka a) i b) ovog člana.

Član 12.

(Bodovi osvojeni na takmičenjima)

- (1) Za jedno od osvojenih mjesta na kantonalnom takmičenju učenika osnovnih škola dobije se slijedeći broj bodova:
 - a) za osvojeno prvo mjesto 3 boda,
 - b) za osvojeno drugo mjesto 2 boda i

- c) za osvojeno treće mjesto 1 bod.
- (2) Za jedno od osvojenih mjesta na takmičenju učenika osnovnih škola na nivou entiteta u BiH i države Bosne i Hercegovine dobije se slijedeći broj bodova:
 - a) za osvojeno prvo mjesto 4 boda,
 - b) za osvojeno drugo mjesto 3 boda i
 - c) za osvojeno treće mjesto 2 boda.
- (3) Za jedno od osvojenih mjesta na međunarodnom takmičenju učenika osnovnih škola dobije se slijedeći broj bodova:
 - a) za osvojeno prvo mjesto 5 bodova,
 - b) za osvojeno drugo mjesto 4 boda i
 - c) za osvojeno treće mjesto 3 boda.
- (4) Međunarodni nivo podrazumijeva učestvovanje najmanje tri države.
- (5) Ukupan broj bodova koje učenik dobije po osnovu takmičenja iz ovog člana ne može preći 10 bodova.

Član 13.
(Dodatni bodovi)

- (1) Pravo na dodatne bodove ostvaruju učenici na osnovu rezultata koji su postigli na takmičenjima u posljednje četiri godine školovanja iz nastavnih predmeta:
 - a) Bosanski jezik i književnost, Hrvatski jezik i književnost, Srpski jezik i književnost,
 - b) Prvi strani jezik,
 - c) Drugi strani jezik,
 - d) Matematika,
 - e) Fizika,
 - f) Informatika,
 - g) Geografija,
 - h) Tjelesni i zdravstveni odgoj/Sport individualni i timski sportovi
- (2) Pravo na dodatne bodove ostvaruju učenici koji su postigli značajne rezultate na takmičenjima u posljednje četiri godine školovanja u individualnim sportovima i u individualnim takmičenjima iz primijenjene i muzičke umjetnosti, a za timske sportove uz dostavljen dokaz o statusu perspektivnog sportiste u skladu sa članom 4. stav (1), tačka f). Pravilnika o kategorizaciji sportista prema ostvarenim rezultatima (Službene novine Kantona Sarajevo”, broj: 8/21).
- (3) Bodovi ostvareni na osnovu takmičenja iz st. (1) i (2) ovog člana za osvojeno prvo, drugo i treće mjesto utvrđuje se na način da se vrednuje najbolje ostvaren rezultat po jednoj školskoj godini, od šestog do devetog razreda osnovne škole.

Član 14.
(Potreban broj bodova za upis u srednje škole)

- (1) Za svakog kandidata koji konkuriše za prijem u prvi razred srednje škole utvrđuje se ukupan broj bodova po osnovu rezultata navedenih u čl. 10., 11., 12. i 13. ove odluke.
- (2) Kada se na rang listi nakon završetka konkursnog roka nađe dva ili više kandidata koji imaju 100 bodova, na osnovu kriterija iz člana 8. tač. a), b) i c) ove odluke, primaju se svi kandidati, do popunjavanja maksimalnog broja učenika po odjeljenju u skladu sa Pedagoškim standardima i normativima za srednje obrazovanje („Službene novine Kantona Sarajevo“, br. 23/04, 27/08, 45/20 i 7/21).
- (3) Kada se na rang listi nalaze dva ili više kandidata koji imaju jednak broj bodova, a nalaze se na posljednjem mjestu rang liste, prednost ima kandidat koji je ostvario bolji opći uspjeh ili veći broj bodova na osnovu uspjeha iz predmeta posebno značajnih za odgovarajuću školu ili veći bodova na osnovu rezultata postignutih na ispitima eksterne mature/ekvivalent

- bodova ili bolje rezultate na prijemnom ispitu u školama u kojima se polaže prijemni ispit ili u skladu sa članom 16. ove odluke, prema redoslijedu kako je navedeno.
- (4) Za upis u gimnaziju učenik po svim osnovama mora imati minimalno 78 bodova.
 - (5) Za upis u gimnaziju – sportsko izbornu područje, učenik po svim osnovama mora imati minimalno 78 bodova i to na način da:
 - a) po svim osnovama navedenim u čl. 10., 11., 12. i 13. ove odluke mora imati minimalno 73 boda,
 - b) te ostvariti dodatno minimalnih 5 bodova koji se odnosi na test fizičke sposobnosti.
 - (6) Za upis u ekonomsku školu i škole zdravstvene struke učenik po svim osnovama mora imati minimalno 71 bod.
 - (7) Za upis u privatne srednje škole, učenik po svim osnovama mora imati minimalno 78 bodova i to na način da:
 - a) po svim osnovama navedenim u čl. 10., 11, 12. i 13. ove odluke mora imati minimalno 71 bod,
 - b) te ostvariti dodatno minimalnih 7 bodova koji se odnosi na prijemni ispit.
 - (8) Za upis u ostale škole za zanimanja u četverogodišnjem trajanju obrazovanja učenik po svim osnovama mora imati minimalno 63 boda.
 - (9) Za upis u trogodišnju školu se ne utvrđuje potreban minimalan broj bodova.

Član 15.

(Uslov za upis učenika iz inostranstva)

- (1) Ako je učenik završio osnovnu školu u inostranstvu i ako nema predmeta u VIII i IX razredu, odnosno u zadnja dva razreda osnovne škole, koji se boduju kao predmeti značajni za struku pri upisu u prvi razred, onda se umjesto ocjena iz tog predmeta uzima prosječna ocjena iz svih predmeta u zadnja dva razreda osnovne škole (aritmetička sredina).
- (2) Ako je učenik završio osnovnu školu u inostranstvu ili ako dolazi iz registrovane osnovne škole sa područja Bosne i Hercegovine koja realizira nastavne planove i programe drugih država ili asocijacija država, onda se pri upisu u prvi razred umjesto bodova postignutih na ispitima eksterne mature/ekvivalent bodova, u on-line sistem u osnovnoj školi koju odredi Ministarstvo, upisuju bodovi koji se dobiju tako što se u obzir uzima zbir općeg uspjeha u posljednja četiri razreda osnovne škole, koji se pomnoži sa 1,50.
- (3) Ukoliko učenik sa područja Kantona Sarajevo iz opravdanih razloga ne pristupi polaganju ispita ili ukoliko se ne organizuje eksterna matura u Kantonu Sarajevo, određuje se ekvivalent bodova za eksternu maturu koji osnovna škola upisuje u obrazac predviđen Pravilnikom o polaganju eksterne mature („Službene novine Kantona Sarajevo“, br. 25/18, 17/19 i 24/19) na osnovu zaključenih ocjena za taj predmet na način da se za navedene predmete zbir zaključenih ocjena u VI, VII, VIII i IX razredu dijeli sa brojem 2 i to za:
 - a) Bosanski jezik i književnost, Hrvatski jezik i književnost, Srpski jezik i književnost,
 - b) Prvi strani jezik,
 - c) Matematika.
- (4) Opravdanost razloga zbog kojih učenik nije pristupio polaganju ispita iz eksterne mature, na zahtjev roditelja, cijeni školski odbor i odluku dostavlja Ministarstvu.

Član 16.

(Prednost pri upisu u prvi razred)

Pod jednakim uslovima iz ovih kriterija, shodno čl. 1., 2., 5. i 25. Zakona o dopunskim pravima boraca-branitelja Bosne i Hercegovine („Službene novine Kantona Sarajevo“, broj: 18/21 Novi prečišćeni tekst), prednost imaju:

- a) djeca boraca-branitelja Bosne i Hercegovine,
- b) djeca ratnih vojnih invalida,
- c) djeca umrlih ratnih vojnih invalida,

- d) djeca organizatora otpora,
- e) djeca veterana-prvoboraca,
- f) djeca nosilaca najviših ratnih priznanja.

Član 17.

(Nemogućnost naknadnog upisa/promjena škole)

- (1) Ukoliko prijava i upis kandidata u prvi razred srednjih škola nije izvršena putem informacionog sistema EMIS, naknadni upis nije moguće izvršiti.
- (2) Prebacivanje učenika iz jedne škole u drugu ili iz jednog smjera u drugi u toku prvog razreda može se izvršiti samo u izuzetno opravdanim situacijama i uz saglasnost Ministarstva.

Član 18.

(Prestanak važenja ranijeg propisa)

Danom stupanja na snagu ove odluke, prestaje da važi Odluka o kriterijima za prijem učenika u prvi razred srednjih škola Kantona Sarajevo broj akta: 02-04-21805-21/21, donesena na 24. sjednici Vlade Kantona Sarajevo održanoj dana 20.05.2021. godine.

Član 19.

(Stupanje na snagu)

Ova odluka stupa na snagu danom objavljivanja u „Službenim novinama Kantona Sarajevo“.

PLAN UPISA ŠKOLSKA 2021/2022. GODINA

Red. br.	ŠKOLA	ZANIMANJE		PLAN UPISA	
		Obrazovanje traje 4 godine	Obrazovanje traje 3 godine	Odjelj.	Učenika
1.	Prva gimnazija	Gimnazija		5	120
		Područje informacionih tehnologija		1	24
		U K U P N O:		6	144
2.	*Druga gimnazija	Gimnazija		4	96
		Gimnazija - IB Middle Year Program		3	60(48+12 strani drž avljani)
		Dvojezično područje (b/h/s i njemački jezik)		1	24
		U K U P N O:		8	168 (+12)
3.	Treća gimnazija	Gimnazija		5	120
		Područje informacionih tehnologija		1	24
		U K U P N O:		6	144
4.	Četvrta gimnazija	Gimnazija – Opća gimnazija		3	72
		Područje informacionih tehnologija		1	24
		U K U P N O:		4	96
5.	Peta gimnazija	Gimnazija – Opća gimnazija		2	48
		Gimnazija – sportsko usmjerenje		2	48
		Područje informacionih tehnologija		1	24
		U K U P N O:		5	120
6.	Gimnazija Dobrinja	Gimnazija – Opća gimnazija		1	24
		Gimnazija		3	72
		U K U P N O:		4	96
7.	*Prva bošnjačka gimnazija	Gimnazija Curriculum A		3	72
		Gimnazija po NPIP Cambridge međunarodnom centru		2	54(48+6)
		U K U P N O:		5	120 (+6)
8.	* Katolički školski centar - Opća realna gimnazija	Gimnazija		2	48
		U K U P N O:		2	48
9.	Gimnazija Obala	Gimnazija		4	96
		Dvojezično područje (b/h/s i njemački jezik)		1	24
		Dvojezično područje (b/h/s i francuski jezik)		1	24
		Područje informacionih tehnologija		1	24
		U K U P N O:		7	168
10.	Srednja muzička škola	Muzičar općeg smjera/baletski igrač/igračica		1	30 (27+3)
		Muzičar solista:		1	30
		Muzičar klavirist			4
		Muzičar flautist			1
		Muzičar harmonikaš			3
		Muzičar violinist			3
		Muzičar violist			2
		Muzičar violončelist			2
		Muzičar gitarist			3
		Muzičar solo pjevač			2
		Muzičar hornist			1
		Muzičar udaraljkaš			2
		Muzičar klarinetist			3
		Muzičar saksofonist			1
Muzičar trombonist			1		

		Muzičar kontrabasist			1
		Muzičar trubač			1
		U K U P N O:		2	60
11.	Srednja škola primijenjenih umjetnosti	Likovni tehničar za reklamnu grafiku			8
		Likovni tehničar za likovno grafičku opremu i ilustraciju knjige			8
		Likovni tehničar za oblikovanje u metalu			8
		Likovni tehničar za primijenj. slikarstvo			8
		Likovni tehničar za primijenj. vajarstvo			8
		Likovni tehničar za tekstilni dizajn			8
		U K U P N O:		2	48
12.	Srednja medicinska škola Jezero	Akušersko-ginekološka sestra tehničar		1	24
		Psiho-gerijatrijska sestra tehničar		1	24
		Fizioterapeutski tehničar		2	48
		Pedijatrijska sestra tehničar		2	48
		U K U P N O:		6	144
13.	Srednja medicinska škola	Medicinska sestra tehničar		3	72
		Farmaceutsko-kozmetičarski tehničar		1	24
		Laboratorijski tehničar		1	24
		Sanitarno-ekološki tehničar		1	24
		U K U P N O:		6	144
14.	Srednja zubotehnička škola	Zubni tehničar		3	72
		Stomatološka sestra tehničar		1	24
		U K U P N O:		4	96
15.	* Katolički školski centar - Medicinska škola	Medicinska sestra tehničar		1	24
		Fizioterapeutski tehničar		1	24
		U K U P N O:		2	48
16.	***Srednja ekonomska škola	Ekonomski tehničar/Bankarski tehničar***		6 (5+1)	144
		U K U P N O:		6	144
17.	Elektrotehnička škola za energetiku	Elektrotehničar energetike		4	96
		Elektroinstalater		1/2	12
		Elektromehaničar		1	24
		Elektroenergetičar		1/2	12
		U K U P N O :		6	144
18.	Srednja elektrotehnička škola	Elektrotehničar računarstva i informatike		2	48
		Elektrotehničar elektronike i automatike		2	48
		Elektrotehničar telekomunikacija		2	48
		U K U P N O:		6	144
19.	Srednja mašinska tehnička škola	Mašinski tehničar konstruktor na računaru		2	48
		Mašinski tehničar za kompjutersko upravljanje mašinama		2	48
		U K U P N O:		4	96
20.	Srednja škola za saobraćaj i komunikacije	Tehničar PTT saobraćaja Jedinstveno zvanje sa izbornim područjima: - poštanske tehnologije, - komunikacijske tehnologije		1,5	36
		Tehničar drumskog saobraćaja (Jedinstveno stručno zvanje sa izbornim područjima: - opći - unutrašnji transport		1,5	36

			Automehaničar	1,5	36
			Autoelektričar	1/2	12
			Vozač motornih vozila	1	24
			Autolimar	1/2	12
			Autolakirer	1/2	12
			Rukovalac građevinskih i pretovarnih mašina	1/2	12
			Automehatroničar	1/2	12
			U K U P N O:	8	192
21.	Srednja škola metalnih zanimanja	Mašinski tehničar – izborno područje: primijenjena informatika i računarstvo		1/3	8
		Mašinski tehničar – izborno područje: zrakoplov i motor/opsluživanje zrakoplova i tereta		1/3	8
		Tehničar mehatronike		1/3	8
			Plinski i vodoinstalater	1/2	12
			Automehaničar	1/2	12
			Instalater centralnog grijanja	1/2	12
			Operator na CNC alatnim mašinama za obradu skidanjem strugotina	1	24
			Zlatar-draguljar	1/2	12
			Optičar	1/2	12
			Zavarivač	1/2	12
			Limar	1/2	12
			Bravar	1/2	12
			U K U P N O:	6	144
22.	Željeznički školski centar	Elektrotehničar elektronike		1/2	12
		Tehničar željezničkog saobraćaja		1/2	12
			Elektroničar telekomunikacija	1/2	12
			Elektroenergetičar	1/2	12
			Elektroničar signalno-sigurnosnih postrojenja	1/2	12
			Mehaničar hidraulike i pneumatike	1/2	12
			Saobraćajno transportni operater	1/2	12
			Mehaničar šinskih vozila	1/2	12
			U K U P N O:	4	96
23.	Srednja građevinsko-geodetska škola	Arhitektonski tehničar		2	48
		Građevinski tehničar		1	24
		Geodetski tehničar-geometar		1	24
			Keramičar- podopolagač	1/2	12
			Moler-farbar	1/2	12
			U K U P N O:	5	120
24.	Srednja tehnička škola grafičkih tehnologija, dizajna i multimedije	Grafički tehničar		4	96
		U K U P N O:		4	96
25.	Srednja škola za okoliš i drveni dizajn	Tehničar za obradu drveta–programer na CNC mašinama		1	24
		Ekološki tehničar		1	24

		Šumarski tehničar/ Tehničar hortikulture		1	24
			Rasadničar	1/2	12
			Lugar (čuvar šuma i lovišta)	1/2	12
			Stolar	1/2	12
			Tapetar – dekorater	1/2	12
		U K U P N O:		5	120
26.	Srednja škola poljoprivrede, prehrane, veterine i uslužnih djelatnosti	Prehrambeni tehničar		1	24
		Veterinarski tehničar		1	24
		Nutricionist tehničar		1	24
		Kozmetičarski tehničar		1	24
		Fitofarmaceutski agrrotehničar		1	24
			Voćar–vinogradar–vinar	1/2	12
			Prerađivač mlijeka	1/2	12
			Cvjećar – vrtlar	1/2	12
			Mesar	1/2	12
			Pekar	1/2	12
			Frizer	1	24
			Farmer	1/2	12
		U K U P N O:		9	216
27.	Srednja škola za tekstil, kožu i dizajn	Dizajner tekstila i odjeće		1	24
		Tekstilni tehničar modelar-konstruktor		1	24
			Krojač	1,5	36
			Hemijski čistač	1/2	12
		U K U P N O:		4	96
28.	Srednja ugostiteljsko-turistička škola	Ugostiteljski tehničar		1	24
		Turistički tehničar		1	24
			Kuhar	2	48
			Poslastičar	1	24
			Konobar	1	24
		U K U P N O:		6	144
29.	Srednja poslovno-komercijalna i trgovačka škola	Poslovno-pravni tehničar		1	24
		Komercijalni tehničar		1/2	12
		Aranžer		1/2	12
			Trgovac	2	48
		U K U P N O:		4	96
30.	Srednjoškolski centar Vogošća	Ekonomski tehničar		1	24
		Mašinski tehničar konstruktor na računaru		1	24
		Mašinski tehničar za kompjutersko upravljanje mašinama CNC		1	24
			Prodavač	1/2	12
			Automehaničar	1	24
			Autolimar	1/2	12
			Zavarivač	1/2	12
			Operater na CNC alatnim mašinama za obradu skidanjem strugotine	1/2	12
		U K U P N O :		6	144
31.	Srednjoškolski centar Hadžići	Gimnazija – opća gimnazija		1	24
		Mašinski tehničar konstruktor na računaru		1	24
		Arhitektonski tehničar		1	24
		Turistički tehničar		1	24
			Automehaničar	1/2	12

			Plinski i vodoinstalater	1/2	12
			Bravar	1	24
			Stolar	1/2	12
			Moler-farbar	1/2	12
			Kuhar	1/2	12
			Konfektionar tekstila-krojač	1/2	12
			Frizer	1/2	12
			Prodavač	1/2	12
			U K U P N O :	9	216
32.	Srednjoškolski centar „Nedžad Ibrišimović“ Ilijaš	Gimnazija – opća gimnazija		1	24
		Gimnazija – područje informacionih tehnologija		1	24
		Mašinski tehničar konstruktor na računaru		1	24
			Operater na CNC mašinama	1/3	8
			Zavarivač	1/3	8
			Automehaničar	1/3	8
			Frizer	1/3	8
			Kozmetičar	1/3	8
			Prodavač	1/3	8
			U K U P N O:	5	120
33.	** Gazi-Husrev-begova medresa			2+2	(48+72)
			U K U P N O:	4	120
34.	Škola za srednje stručno obrazovanje i radno osposobljavanje		Pomoćni: cvječar, dekorater, moler, knjigovezac, kuhar, reklamni grafičar		Prema broju prijavljenih učenika
35.	*Centar za slijepu i slabovidnu djecu i omladinu	Fizioterapeutski tehničar Poslovni tajnik Telefonski operater	Telefonista Paker proizvoda-II stepen		Prema broju prijavljenih učenika
36.	*Centar za slušnu i govornu rehabilitaciju	Tekstilni tehničar modelar- konstruktor Grafički tehničar sa izbornim područjem-grafička obrada Mašinski tehničar	Krojač, Autolimar, Limar, Bravar, Plinski i vodoinstalater, Tapetar, Knjigovezac, Frizer, Kuhar – III stepen Pomoćni: krojač, bravar, limar, autolimar, kuhar, instalater centralnog grijanja, plinski i vodoinstalater – II stepen		Prema broju prijavljenih učenika
	UKUPNO SREDNJE ŠKOLE	ZANIMANJE – IV stepen 126 odjeljenja	ZANIMANJE – III stepen 42 odjeljenja	168 (+2)	4.020

* Upis u prvi razred u školskoj 2021/2022. godini u Katolički školski centar - Opća realna gimnazija, Katolički školski centar - Medicinska škola, Centar za slijepu i slabovidnu djecu i omladinu, Centar za slušnu i govornu rehabilitaciju i Škola za srednje stručno obrazovanje i radno osposobljavanje, kao ni upis 6 učenika-strani državljani-Curriculum C u Prvoj bošnjačkoj gimnaziji i upis 12 učenika-strani državljani u Drugoj gimnaziji se neće odvijati putem online sistema.

Učenici koji su zainteresirani za upis u navedene srednje škole, potrebno je da se o načinu upisa u ove škole informiraju direktno u navedenim školama.

Orijentaciono:

Gimnazije	52 odjeljenja	(30,95%)
Srednje škole za stručno obrazovanje i obuku - četverogodišnje trajanje	84 odjeljenja	(50%)
Ukupno škole u četverogodišnjem trajanju	126 odjeljenja	(75%)
Srednje stručne škole-trogodišnje trajanje	42 odjeljenja	(25%)
UKUPNO	168 odjeljenja	100%

Navedeni podaci su izračunati bez učenika iz 7 privatnih srednjih škola - Privatne ustanove Međunarodna Gimnazija „Richmond Park International Secondary School“ Sarajevo , Privatne ustanove Gimnazija „Richmond Park College“ Sarajevo, Perzijsko-bosanskog koledža, Privatne internacionalne gimnazije „Bloom“, Sarajevo School of Science and tehnology (SSST), Srednje škole Maarif koledž Sarajevo, Srednje škole „Maarif High School“ i škola za učenike sa posebnim potrebama, bez učenika iz drugih općina izvan Kantona Sarajevo, te učenika iz Gazi Husrev-begove medrese, koja se upisuju sa područja van Kantona Sarajevo (2 odjeljenja - 60 učenika).

**U Gazi Husrev-begovu medresu, prema podacima dostavljenim iz škole, upisuje se 50% učenika iz drugih općina izvan Kantona Sarajevo.

***U Srednjoj ekonomskoj školi će, nakon završetka upisa 144 učenika, od strane banaka biti testirani zainteresirani učenici za upis na zanimanje bankarski tehničar. Učenici koji, kroz testiranje, ne ispune kriterije za školovanje za navedeni smjer, će školovanje nastaviti na zanimanju ekonomski tehničar.

Pregled broja nezaposlenih lica JU "Služba za zapošljavanje Kantona Sarajevo", u skladu sa završenom srednjom školom 3. i 4. stepena – podaci iz maja 2021. godine

ZANIMANJA	Broj nezaposlenih lica
Maturant gimnazije	3.404
Mašinski tehničar	1.697
Ekonomski tehničar	2.178

ZANIMANJA	Broj nezaposlenih lica
Prodavač	3.176
Frizer	1.414
Automehaničar	795

MINISTRICA

Naida Hota-Muminović, s.r.



web: <https://mo.ks.gov.ba>

e-mail: mo@mo.ks.gov.ba

Tel: + 387 (0) 33 562-128

Sarajevo, Reisa Džemaludina Čauševića 1

